

Nerukkaatissanut akussat pillugit inatsisip Kalaallit Nunaannut atuutilersinneqarnera pillugu peqquussut

UAGUT MARGRETHEP AAPPAAT, Guutip saammaasineratigut Danmarkip Droningia, uppersarsarparput:

Nerukkaatissanut akussat pillugit inatsimmi nr. 282, 8. maj 1991-imeersumi § 9¹, nerukkaatissanut akussat pillugit inatsisip aamma aalisakkat aamma aalisakkanik tunisassiat pitsaassusiinik misissuineq pillugu inatsisip allanngortinneqarnissaannut inatsimmi nr. 225, 27. marts 1996-imeersumi § 4², ukiumut naatsorsuutit pillugit inatsisip aamma inatsisit allat assigiinngitsut allanngortinneqarnissaannut inatsimmi nr. 341, 27. april 2011-meersumi § 19³, Ministeriet for Fødevarer, Landbrug aamma Fiskerip susasaqarfiini digitalimik attaveqartussaataitanermut il. il. aalajangersakkat assigiinngitsut allanngortinneqarnissaannut inatsimmi nr. 1459, 17. december 2013-imeersumi § 18⁴, Miljø aamma Fødevareklagenævneti pillugu inatsimmi nr. 1715, 27. december 2016-imeersumi § 95⁵ aamma uumasuuteqarneq pillugu inatsisip, inuussutissat pillugit inatsisip aamma nerukkaatissanut akussat pillugit inatsisip allanngortinneqarnissaannut inatsimmi nr. 721, 8. juni 2018-imeersumi § 5⁶, malillugit aalajangersarneqarpoq inatsit Kalaallit Nunaannut atuutissasoq imatut allanneqarluni:

§ 1. Inuussutissanut, nunalerinermut aamma aalisarnermut ministerip nerukkaatissanut akussat pillugit malittarisassat aalajangersarsinnaavai, tassunga ilagitillugit suliaqarneq, tunisassiorneq, piliorneq, kinguaassiorititsineq aamma naatitsineq, atuneq, toqqortaateqarneq, pisineq, tunisineq, siammarterineq aamma pilerisaarineq. Aamma ministerip nerukkaatissanut akussanik eqqussineq, avammut tunisassiorneq aamma assartuineq pillugit malittarisassat aalajangersarsinnaavai.

Imm. 2. (Kalaallit Nunaannut atuutilersinneqassanngilaq).

Imm. 3. Inuussutissanut, nunalerinermut aamma aalisarnermut ministerip imm. 1 malillugu aalajangersakkanik aalajangersaanerminut atatillugu ilaatigut makkua pillugit malitassianik aalajangersaasinnaavoq,

1) tunisassiornermik aamma tuniniaanermik suliffeqarfinnik kiisalu nioqutissanik nunanit allanit eqqussuisartunik nalunaarsuineq aamma akuersineq,

¹) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunnigip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik nikinganeqartillugu."

2) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik nikinganeqartillugu."

3) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni §§ 1, 3, 5, 8 aamma 9 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

4) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, taamaattoq tak. imm. 2.

Imm. 2. Inatsimmi §§ 1, 4 aamma 7-9 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

5) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni §§ 41, 44, 60, 61, 62, 71, 73, 81, 82 aamma 87 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

6) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik allannguuteqartillugu."

2) nerukkaatissanik pilersitsinermut imaluunniit taakkununnga akussanik pilersitsinermut tunisassianik naasuneersunik aamma uumasuneersunik kiisalu akussanik uumassusilinneersunik aamma uumassusilinneersuunngitsunik atuineq,

3) tunisassiat saligaatsuunissaat isumannaarniarlugu tunisassiornermik aaqjissuussineq,

4) nerukkaatissat akuinik nalunaarsuineq, aamma taakkuninnga poortuineq nalunaaqutsiinerlu,

5) nerukkaatissat taagutaat,

6) akussat kissaatigineqanngitsut akuginerinut killigititat aamma nerukkaatissanut akussat akui,

7) naajuitsunut laboratorianik akuersineq aamma nakkutilliineq kiisalu misissueqqissaarnermut periutsinik akuersineq aamma sulinermit malitassiat,

8) tunisassiornermut, eqqussuinermit, peqqumaasiveqarnermut aamma tuniniaanermut naatsorsuutit,

9) nerukkaatissanut akussanik pisinermut aamma tunisinermut paasisutissanik tunniussineq, tassunga ilagitillugit nerukkaatissanut akussanut akuutissianik, aammalu taakkununnga paasisutissanik nalunaarutiginnineq,

10) inatsisip aamma inatsit malillugu aalajangersakkanik malinninneq pillugu nakkutilliineq kiisalu nakkutilliinerup aamma misissueqqissaarnerup inernerinik tamanut saqqummiussineq aamma

11) inatsimmik kiisalu inatsit malillugu malittarisassanik aammalu aalajangersakkanik malinninnermik nakkutilliinermit aamma atuutsitsinermut aningaasartuutitut tamakkiisumik imaluunniit ilaannakortumik akiliineq.

12) *Imm. 4.* *Imm. 3, nr. 10* malillugu nakkutilliinermit aamma misissueqqissaarnermit inernerusunik tamanut saqqummiussineq pillugu malittarisassanik aalajangersaanermit, ministeri atermik taasilluni nakkutilliineq tunngavigalugu inatsit naapertorlugu imaluunniit inatsit malillugu malittarisassat atuutilersinneqarsimasut malillugit pineqaatissartaliinernut inernerusunik kiisalu suussutsinik aamma annertussutsinik tamanut saqqummiussinermit malittarisassanik aalajangersaasinnaavoq. Tassunga ilagitillugu ministeri maalaaruteqarnerup kinguartitsinermik kinguneqannginnissaanut malittarisassanik aalajangersaasinnaavoq. Aamma ministeri qanoq ililluni aamma qanoq ittumik nakkutilliinermit inernerusut nakkutilliivimmi tamanut saqqummiunneqarsinnaanerannut malittarisassanik aalajangersaasinnaavoq.

Imm. 5. Ministeri tamanut saqqummiussinerup ilusissaa aamma annertussusissaa pillugit malittarisassanik aalajangersaasinnaavoq, tassunga ilagitillugu saqqummiussinerup elektroniskikkut pisinnaanera. Ministerip aalajangersinnaavaa, inernerusut ilaat saqqummiunneqassanngitsut.

Imm. 6. Ministerip aalajangersinnaavaa, nakkutilliinermik inernerusunut tunngatillugu ministerip pilersitaa edb-ikkut paasissutissiissut tunngavigalugu saqqummiussineq pissasoq. Ministeri qaqugukkulluunniit, tassunga ilagitillugu piffissap ilaani, paasissutissiissummiit tiguisussanut aalajangersimasunut, paasissutissanik ataasiakkaanik imaluunniit amerlasuunik ingerlatitseqqiisinnaavoq. Kinaluunniit paasissutissiissummiit paasissutissanik nalunaaruteqarfigineqarsinnaavoq, tamanut saqqummiunneqarsimasunik, imaluunniit tamanut saqqummiunneqartussanik. Paasissutissanik nalunaaruteqarfigineqarsinnaanermi paasissutissat ataasiakkaat aamma amerlasuut ilaatinneqarput.

Imm. 7. Ministeri imm. 3, nr. 9 naapertorlugu nalunaarutiginninnerup oqartussaqaarfimmut allamut ingerlanneqarnissaanut malittarisassanik aalajangersasinnaavoq.

Imm. 8. Malittarisassani aamma aalajangersakkani imm. 1 aamma 2 malillugu aalajangersarneqarsimasuni tunisinermik, agguataarinermik, tunniussinermik imaluunniit allatut tunniussinermik nittarsaanermut malittarisassanik aalajangersaasoqarsinnaavoq.

§ 1 a. Inuussutissalerinermut, nunalerinermut aamma aalisarnermut ministerip Ministeriet for Fødevarer, Landbrug aamma Fiskerimut tassangaanniillu pisut, inatsimmi imaluunniit inatsit malillugu malittarisassani atuutilersinneqarsimasuni pineqartut, pillugit allakkatigut attaveqarnerit digitalimik ingerlanneqarnissaannut malittarisassanik aalajangersaasinnaavoq.

Imm. 2. Ministeri digitalimik attaveqarnek pillugu malittarisassanik erseqqinnerusunik aalajangersaasinnaavoq, tassunga ilagitillugit it-ikkut atortorissaarutinik aalajangersimasunik, digitalimik suussutsinik immikkuullarissunik aamma digitalimik atsiornernik imaluunniit assigisaannik atuinermt malittarisassat.

Imm. 3. Digitalimik nalunaarut apuussimasutut isigineqassaaq, nalunaarut tiguisussamit tiguneqarsinnaanngorsimagaangat.

§ 1 b. Aalajangiinerit aamma allagaatit allat, elektroniskimik datanik suliarinninneq tunngavigalugu tamaallaat aalajangiivigineqarsimasut imaluunniit atuutilersinneqarsimasut, taamaallaat ministeriap nassiussisutut taaneqarneratigut atuutilersinneqarsinnaanerat pillugu Fødevarer, Landbrug aamma Fiskerimut ministeri malittarisassanik aalajangersaasinnaavoq.

§ 1 c. Inatsit manna malillugu imaluunniit inatsit manna malillugu malittarisassat atuutilersinneqarsimasut malillugit allagaatip inuussutissalerinermut, nunalerinermut aamma aalisarnermut ministeriunngitsumit atuutilersinneqarsimasup, atsiorneqarsimanissaanut piumasagaat naammassineqarsinnaavoq teknikkimik atuinikkut, atuutilersitsisumik kinaassusersiinikkut isumannaarisumik, taamaattoq tak. imm. 2. Allagaatit taamaattut allagaatinut inummit atsiorneqarsimasunut sanillersuuneqassapput.

Imm. 2. Ministeri atsiornissamut piumasagaammik saqqussinissamut malittarisassanik erseqqinnerusunik aalajangersaasinnaavoq. Tassunga ilagitillugu aalajangersarneqarsinnaavoq, allagaatit ilaannut tunngatillugu inuup atsiornissaanut piumasagaammik saneqqussisinnaannginneq.

§ 2. Eqqussinermi aamma tunsinermi nerukkaatissanut akussat naammassissavaat malittarisassat aamma aalajangersakkat § 1 malillugu aalajangersarneqarsimasut, peqqissuussapput aamma eqqunngitsuussanngillat aammalu nalinginnaasumik pitsaassuseqassallutik kiisalu tuniniarneqassanngillat putusaarinertalimmik.

Imm. 2. Nerukkaatissanut akussat tuniniarneqassanngillat, pasinarsimappat inuit imaluunniit uumasut peqqissusaannut imaluunniit avatangiisinut ulorianartorsiortitsisinnaanerat siunertaq naapertorlugu atuinermt.

Imm. 3. Nerukkaatissanut akussat, malitassianik aalajangersakkanik malinninngitsut, imaluunniit pasinarsimappat inuit imaluunniit uumasut peqqissusaannut imaluunniit avatangiisinut ulorianartorsiortitsisinnaasut, nerukkaatissatut atorneqassanngillat.

Imm. 4. Inuussutissalerinermut, nunalerinermut aamma aalisarnermut ministerip peqqussuteqarnermut aamma inerteqquteqarnermut nalunaaruteqarsinnaavoq, imm. 1-3-nik kiisalu aalajangersakkanik § 1 malillugu aalajangersarneqarsimasunik malinninnissamut pisariaqartutut isigineqartunik. Tassunga ilagitillugu ministerip nerukkaatissanut akussat ilaannik imaluunniit nassiussanik atuinissaq inerteqqutigisinnaavaa, misissuinerup aallartinneqarsimasup inernerata pissarsiarineqarnissaata tungaanut. Ministerip aamma aalajangersarsinnaavaa, nerukkaatissanut akussat, malitassianik aalajangersakkanik malinninngitsut, taakkununga naapertuutilernissaat, nerukkaatissatuunngitsoq allanut atorneqarnissaat, suujunnaarsinneqarnissaat, nerukkaatissanut akussat kingullertut atorneqarfimminninngaanniit utertinneqarnissaat, pilersitsinerup il. il. imaluunniit nerukkaatissanut akussanik tuniniaanerup unitsinneqarallarnissaa imaluunniit, nerukkaatissanut akussat pineqartillugit, nunamit allamiit nunamut eqqunneqarsimasut, utertinneqarnissaat.

Imm. 5. Imm. 4 malillugu peqqussuteqarnerup aamma inerteqquteqarnerup kingunerisaanik aningaasartuutit, pineqaatissinneqartumut pisussaaffittut tutsinneqassapput.

§ 2 a. Inuussutissalerinermut, nunalerinermut aamma aalisarnermut ministerip inerittunik sumiiffinni mingutsinneqarsimasuni uumasunut nerukkaatissatut aalajangerneqarsimasunik naatitsineq inerteqqutaatissinnaavaa imaluunniit killilersorsinnaavaa, tassunga ilagitillugit radioaktiviisuusunik nakkaatitsiviisuusimasut. Ministerip nerukkaatissanut akussanik piffinni taamaattuni naatinneqarsimasunik tunisinissaq aamma atuinissaq inerteqqutaatissinnaavaa.

§ 2 b. Inuussutissalerinermut, nunalerinermut aamma aalisarnermut ministerip ajutoortoqarneranut aamma ajunaarnersuaqarneranut atatillugu, tassunga ilagitillugit sorsunnerit, uumasunut nerukkaatissanik tunisassiorneq aamma tunisassianik atuineq iluaqutaanerpaaq isumannaarniarlugu, malittarisassat aalajangersarsinnaavai aammalu aalajangersakkat aalajangersinnaavai, mingutsitsineq il. il. pinngitsoortinniarlugit aammalu nerukkaatissanut akussanik pilersuineq isumannaarniarlugu. Tassunga ilagitillugu ministerip inatsimmi malittarisassat aalajangersarneqarsimasut saneqqunneqarnissaannut malittarisassat aalajangersarsinnaavai imaluunniit aalajangersakkat aalajangerlugit.

Imm. 2. Imm. 1-imi malittarisassat aalajangersakkat imaluunniit aalajangersakkat aalajangikkat nerukkaatissanut akussanik piginnittunut il. il. aningaasaqarnikkut annaasaqarnermik kinguneqarpata, naalagaaffik taarsiisussaataaassaaq.

Imm. 3. Taarsiissuteqarneq ivertinneqassaaq isumaqatigiissutinik amigaateqarnermi, malittarisassanut ministerimit aalajangersarneqartussanut naapertuuttumik.

§ 3. Inuussutissalerinermut, nunalerinermut aamma aalisarnermut ministerip, imaluunniit taassuma ministerip tamatumunnga piginnaatitaa, pissusissamisoortumik kinaassutsimut uppersaasiinikkut aammalu eqqartuussisup aalajangerneranik tunngaveqarani nammineq pigisanut aamma pisortat pigisaannut isersinnaatitaavoq, § 2-p aammalu § 1 malillugu aalajangersakkat eqquutsinneqarnissaannik nakkutilliinermut tunngatillugu tamanna pisariaqarpat, aammalu akissarsissutiginaq misissuinissamut misiligutinik tiguisinnaalluni.

Imm. 2. Suliffeqarfiit, eqquussuisartut kiisalu nerukkaatissanut akussanik piginnittut aamma atuisut nalunaarsugaasut aamma akuerisaasut, noqqaasoqarneratigut paasissutissat, aalajangersakkat aalajangersarneqarsimasut eqquutsinneqarnerannik nakkutilliinermut pisariaqartut, ministerimut tunniutissavaat aammalu nakkutilliinerup naammassineqarnerani ikiunineq pisariaqartinneqartoq tunniutissallugu.

§ 3 a. Inuussutissalerinermut, nunalerinermut aamma aalisarnermut ministerip aalajangersinnaavaa, misiligutit misissuineranut aalajangersimasunut atatillugu tiguneqarsimasut, allamik siunertaqarluni misissorneqarsinnaasut.

Imm. 2. Ministerip aamma aalajangersinnaavaa, misissueqqissaanerup inerneru, misissuineranut aalajangersimasunut atatillugu anguneqarsimasut, siunertanut allanut atorineqarsinnaasut.

§ 4. (Kalaallit Nunaannut atuutilersinneqassanngilaq).

§ 4 a. Akiliinissamut pisussaaffiit, inatsit manna naapertorlugu aalajangersarneqarsimasut aammalu oqartussaqaarfimmu akitsuutiniq piunasaqartumut eqquutsitsilluni naammassineqarsimanngitsut, ilaneqassapput, peqqussutikkut allamik aalajangersaasoqarsimanngippat, ukiumoortunik ernianik, erniat pillugit inatsimmi § 5-imi erniaasoq malillugu. Taamaattoq erniaq ilanngunneqartoq minnerpaamik 50 kr.-niussaaq. Allakkanut eqqaasitsissutinut 100 kr.-mik akiliuteqartoqartassaaq, aaqqiilluni procentiliisarneq pillugu inatsimmi § 3 naapertorlugu aaqpinneqartartumik.

§ 5. Inuussutissalerinermut, nunalerinermut aamma aalisarnermut ministerip inatsit manna malillugu piginnaatitaanini ministeriap ataaniittumut pisortaqaarfimmu imaluunniit allaffeqarfimmu allamut inissippagit, ministeri aalajangiinerit pillugit maalaaruteqarsinnaanermut pisinnaatitaaneq naapertorlugu aalajangikkat pillugit aalajangersakkanik aalajangersaasinnaavoq, tassunga ilagitillugit aalajangikkat allattoqaarfimmu qulliunerusumut ingerlateqqinneqarsinnaannginneri aammalu maalaarummik tunniussisoqareerneratigut oqartussaqaarfiup suliamik suliareqqitassanngortitsisinnaanera. Aamma ministerip maalaarutiniq tunniussineq pillugu malittarisassanik aalajangersaasinnaavoq, tassunga ilagitillugit maalaarutip ilusilerneqarnissaanut piunasaqaatit.

Imm. 2. Inuussutissalerinermut, nunalerinermut aamma aalisarnermut ministerip pineqartoq ministeri isumaqatiginiyaqatigereerneratigut aamma Namminersorlutik Oqartussat isumaqatiginiyaqatigeeernerisigut inatsit malillugu piginnaatitaanini naalagaaffimmi oqartussaqaarfimmu imaluunniit suliffeqaarfimmu allamut inississinnaavai. Tassunga atatillugu ministerip taakkua oqartussaqaarfiit imaluunniit suliffeqaarfiit aalajangiineri pillugit maalaaruteqarsinnaanermut malittarisassat aalajangersarsinnaavai, tassunga ilagitillugit maalaarutip oqartussaqaarfimmu allamut tunniunneqarsinnaannginnera, aammalu oqartussaqaarfiup imaluunniit suliffeqaarfiup suliamik suliareqqitassanngortitsisinnaanerannut periarfissaat, maalaarummik tunniussisoqareerneratigut.

§ 5 a. Inatsit manna naapertorlugu imaluunniit taanna malillugu malittarisassat atuutilersinneqarsimasut malillugit, inatsimmi allatut imaluunniit taanna naapertorlugu malittarisassat atuutilersinneqarsimasut malillugit aalajangersaasoqarsimanngippat, aalajangiinerit Miljø- og Fødevareklagenævnetimut maalaarutigineqarsinnaapput, nævnetip immikkoortortaqarfiisa ilaani suliarineqartussatut, tak. Miljø- og Fødevareklagenævneti pillugu inatsimmi § 3, imm. 1, nr. 4 imaluunniit 8, taamaalillutik allaffissornikkut oqartussaqaarfimmi allamut tunniunneqarsinnaanatik.

Imm. 2. Miljø- og Fødevareklagenævnetimut maalaaruteqarneq allakkatigut oqartussaqaarfimmu aalajangiisimasumut tunniunneqassaaq, digitalimik nammineq kiffartuussissut atorlugu, taamaattoq tak. Miljø- og Fødevareklagenævneti pillugu inatsimmi § 21, imm. 2-4. Oqartussaqaarfiup, aalajangiineq taamaatsiinnarniaruniuk, maalaarutip tiguenerata kinguinnguatiqut aamma sapaatip akunneri 3-t qaangiutsinnagit maalaarut maalaaruteqartarfimmu ingerlateqqissavaa. Maalaarutip ingerlateqqinneqarnerani aalajangiineq maalaarutigineqartoq, allagaatit suliap nalilerneqarneranut atorineqarsimasut, aamma oqartussaqaarfimmiit oqaaseqaat, oqartussaqaarfiup suliamut oqaaseqaataanik ilaqartut, aammalu maalaarummi maalaarutigineqartut, ilanngunneqassapput.

§ 6. Inuussutissalerinermut, nunalerinermut aamma aalisarnermut ministerip uani inatsimmi malittarisassanik aalajangersaanissamut piginnaatinneqarfiini, oqaaseqaatinik piniartoqassaaq Namminersorlutik Oqartussat inatsisaanni kap. 5 naapertorlugu.

Imm. 2. Taamaattoq imm. 1 naapertorlugu ministeri oqaaseqaatinik pinianggissinnaavoq, tamanna, piffissaq pissutigalugu imaluunniit alla pissutigalugu, periarfissaanngippat.

§ 7. Inatsit alla malillugu pineqaatissat sakkortuut nammineq pisuussutigineqanngippata akiliisitsinermik eqqartuussisoqarsinnaavoq,

1) § 2, imm. 1-3-nik, aamma § 3, imm. 2-mik unioqqutitsisumut, imaluunniit

2) § 2, imm. 4, § 2 a aamma § 2 b, imm. 1 malillugit nalunaarutigineqartumik peqqussummik aamma inerteqqummik malinninngitsumut.

Imm. 2. Inatsit malillugu malittarisassani aamma aalajangersakkani atuutilersinneqartunik, malittarisassani aalajangersakkanik unioqqutitsinermut akiliisitsinermik aalajangersaasoqarsinnaavoq.

Imm. 3. Suliffeqarfiit il. il. (inatsisitigut pisussaataasut) unioqqutitsinerinut akiligassinneqarnikkut akisussaaffimmik suliffeqarfimmuq peqqussuteqartoqarsinnaavoq.

Imm. 4. Aalajangersakkanik imm. 1-imi taaneqartunik unioqqutitsinermut imaluunniit malittarisassanik imm. 2 malillugu aalajangersarneqartunik unioqqutitsinermut akiliisitsinernik annertussusiliinermut nalinginnaasuusumik naleqquttumik sakkortusaataassaaq, unioqqutitsinermut atatillugu siaruaatsitsinnaaneq ulorianaataasimappat, tassunga ilagitillugu uumasuni kukiffalinni nappaatinik tunillaassortunik ingasattunik nalunaarutigineqartussaataasunik eqqussineq, uumasuni nappaatit aamma aseruuttoornerit pillugit inatsisip Kalaallit Nunaannut atuutilersinneqarnissaanut peqqussummi nr. 524, 8. juni 2004-meersumut ilanngussaq 2-mi aalajangersarneqarsimasutut.

§ 8. § 7 malillugu akiliisitsissutissamik aalajangersaanermi inuussutissanut, nunalerinermut aalisarnermullu ministeri, politii suliaanni unnerluussutsip imarisai pillugit Kalaallit Nunaannut eqqartuussisarnermi inatsimmi aalajangersakkanik malinnilluni, nalunaarutigisinnaavaa suliaq aalajangiivigineqarsinnaasoq eqqartuussivikkut malersuinertaqanngitsumik, taanna unioqqutitsisimasoq, pisuusutut nassueruteqarpat aammalu nalunaaruteqarnermi akiligassiissutitut taaneqartup piffissarititaasup iluani, piumasaqarnikkut sivitsorneqarsinnaasup, akilernissaanut nalunaaruteqarpat.

Imm. 2. Akiligassaq piffissaq eqqorlugu akilerneqarpat imaluunniit akilersinniarneqarpat pillaatissinneqarnerluunniit atornerqarpat malersueqqittoqassanngilaq.

Imm. 3. Akiligassaq piffissaq eqqorlugu akilerneqarpat, akuersinerup kingorna akiliisitsiniarnikkut akilerneqarpat imaluunniit pillaatissap atortuutinneqareernerani malersuineq unitsinneqassaaq.

§ 9. Peqqussut atuutilissaaq ulloq 1. januar 2023.